

EQIKKAANEQ

Center for Cybersikkerhed pillugu inatsisip kunnigip peqqussutaatigut Kalaallit Nunaannut atuutsinneqalernissaanut missingiut

Peqqussummut missingiut Center for Cybersikkerhed-ip (CFCS-loven) inatsisaanut tunngavoq, kissaatigineqartoq Kalaallit Nunaannut atuutsinneqalissasoq.

Center for Cybersikkerhed-ip pingaarnertut suliassaraa qaffasissumik isumannaassusilimmik paasissutissiisarnikkut ingerlatsisoqarnissaa, attaveqaqatigiinnikkut aqqissuussaannermit atortulersuutitigut inuiaqatigiinni ingerlatsinermi pisariaqartitsineq naapertorlugu.

Suliassaq tamanna ilaatigut Center for Cybersikkerhed-ip imatut naammassissavaa, isumannaatsumik attaveqaqatigiinnermik kiffartuussinerminut atatillugu internet-sikkut pisorta qarfinnut suliffe qarfinnullu saassussinerit (cyberangreb) immikkut ittut nassaarissallugit, misissussallugit aammalu qularnarunnaarsitsissalluni inuiaqatigiinni pingaarutilimmik kiffartuussinermit atatillugu.

Peqqussummi pineqarput, Center for Cybersikkerhed pillugu inatsit pingaarneq 2014-minngaanneersoq, aamma inatsisinut allannguutit marluk; siulleq data-nik illersuinermit tunngasoq 2018-imeersoq, aappaalu Center for Cybersikkerhed-ip isumannaatsumik attaveqaqatigiinnermik kiffartuussinerani illersuinerup atorluarnissaanut pitsaanerusunik periarfissaqarlernissamut kiisalu suliniaqqissaarnikkut internet-sikkut saassussinernik unitsitsisinnaanermut tunngasoq 2019-imeersoq.

Kalaallit Nunaannut inatsisip atuutsinneqalernissaanut siunertaavoq, inatsisitigut ataatsimoortumik tunngaveqalernissaq, Forsvarets Efterretningstjeneste-p ilagisaata Center for Cybersikkerhed-ip Kalaallit Nunaanni attaveqaqatigiinnikkut aqqissuussaannerup illersorneqarneranut peqataasinnaanera siunertaralugu. Tassani tunngaviuvoq, pisorta qarfiit suliffe qarfiillu annertunerujartuinnartumik internet-sikkut saassunneqartalernerat, tassani naalagaaffiit, eqimattat imaluunniit inuit ataasiakkaat it-kkut atortutigut aammalu attaveqaqatigiinnermi aqqissuussaannikkut iserniarsarisarnerat, Kalaallit Nunaanni aamma.

Peqqusut Kalaallit Nunaanni pissutsinut immikkut ittunut naleqqussagaavoq. Center for Cybersikkerhed databeskyttelseslovgivning-imi ilaanngilaq, tamaanneranilu Danmarkimi databeskyttelsesforordningi aamma databeskyttelseslovi center-imut atuunnatik. Taassuma kingunerisaanik peqqussummut tunngatillugu imaalperpoq, Kalaallit Nunaanni inunnut paasissutissat suliarisarneri pillugit inatsit, Center for Cybersikkerhed-ip Kalaallit Nunaanni paasissutissanik inunnut tunngasunik suliarinnittarnissaanut atuunnaviarnani. Center for Cybersikkerhed pillugu inatsit, Danmarkimi data-nik kalaallinut tunngasunik suliarinnittarnermut atuuttussaq, aammalu peqqusut, Kalaallit Nunaanni data-nik kalaallinut tunngasunik suliarinnittarnermut atuuttussaq, immikkut kapitalimik imaqarpoq, Center for Cybersikkerhed-ip inunnut paasissutissanik suliarinnittarneranut tunngatillugu aalajangersakkanik.

Peqqusutip aamma kingunerivaa, Center for Cybersikkerhed pillugu inatsimmi § 3, imm. 4-p Kalaallit Nunaannut atuutsinneqalinnginnissaa. Center for Cybersikkerhed pillugu inatsimmi § 3, imm. 4 malillugu Center for Cybersikkerhedi pisuni immikkuullarissuni suliffe qarfiit

inuiaqatigiinni, sumiiffinni, kommuninilu immikkut pingaaruteqartut isumannaatsumik attaveqaqatigiinnermik kiffartuussinermut ilanngunneqarnissamut peqquneqarsinnaasut, netværk-ikkut attaveqaqatigiinnerup nakkutigineqarnissaa siunertaralugu. Taamatut peqquneqarsinnaaneq Kalaallit Nunaanni pisariaqanngitsoq nalilerneqarpoq, Kalaallit Nunaanni suliffeqarfiit inuiaqatigiinni immikkut pingaaruteqartut amerlanerpaartaat Namminersorlutik Oqartussanit pigineqarnerat pissutigalugu.

Taassuma saniatigut peqqussutip kingunerivaa, Center for Cybersikkerhed pillugu inatsimmi § 24 Kalaallit Nunaannut atuutsinneqalissanngitsoq. § 24 malillugu, Tilsynet-ip (nakkutiginnittup) immikkut paasiniaasarfiit peqatigalugit (Efterretningstjenester) suliaqarsimanitik pillugit ukiumoortumik forvarsministerimut tamanut saqqummiunneqartartussamik paasissutissiisarnissaa. Ukiumoortumik paasissutissiinermi ilanngunneqassapput Tilsynet-ip immikkut paasiniaasarfiit nakkutiginninnerinik nakkutiginninnera, Center for Cybersikkerhed-ip inunnut paasissutissanik suliarinnittarneranut tunngatillugu, tassani ilagitillugu centerip Kalaallit Nunaanni nakkutiginninnermini inunnut paasissutissanik suliarinnittarnera. Tamanna tunngavigalugu nalilerneqarpoq § 24-ip Kalaallit Nunaanni atuutsinneqalernissaa pisariaqanngitsoq.